

# avaloracion diagnostica educacion primària competència comunicativa: aranés

Nòm e cognòms

---

Grop

---

## Comprenença orau e comprenença lectora

### INSTRUCCIONS

Aguesta pròva a dues parts:

**Ena primèra part**, as d'escotar un tèxte e respóner a ues qüestions sus aquerò qu'as entenut.

**Ena segona part**, as de liéger damb atencion dus tèxtes e respóner a ues qüestions sus aquerò qu'as liejut.

Quauques qüestions les auràs de respóner marcant damb ua **X** era responsa corrècta. Sonque i a ua responsa corrècta entà cada qüestion. Se t'enganches, raia era responsa enganhada e marca clarament era naua responsa.

I a d'autres qüestions a on tu auràs d'escriuer era responsa.



# COMPREENENÇA ORAU INVENTOR DE PERSONATGES

Ara escotaràs un tèxte dus viatges. Eth primèr viatge ei entà respòner es qüestions e eth segon ei entà repassar es tues responses.

Abans d'escotar eth tèxte, as de liéger es qüestions.

## 1 Quan s'estreïc *Era guèrra des galàxies*?

- a. Hè sèt ans.
- b. Hè trenta ans.
- c. Hè trenta sèt ans.
- d. Hè setanta-tres ans.

0-1

## 2 Escribe quina ei era primèra des causes que cau entà hèr ua pellicula.

.....

0-1

## 3 Qui inventèc eth personatge de Darth Vader?

- a. R2-D2.
- b. C-3PO.
- c. Era NASA.
- d. Ralph McQuarrie.



Darth Vader

0-1

## 4 Ara ei mèis facil construïr estacions espaciaus enes pellicules perque...

- a. es efèctes especiaus son melhors.
- b. auem mèis imaginacion qu'abans.
- c. es pantalles son mèis modèrnes.
- d. era gent ve fòrça pellicules.

0-1

## 5 Qué se hè en Argentina entà celebrar eth dia d'*Era guèrra des galàxies*?


- a. Meter-se era samarreta deth robòt R2-D2.
- b. Un video damb un robòt coma protagonista.
- c. Eth rodatge dera setau pellicula damb toti es seguidors.
- d. Ua corsa damb gent vestida com es personatges dera pelli.

0-1

## 6 Qué explique eth tèxte qu'as escotat?

- a. Qui diboishèc es personatges d'*Era guèrra des galàxies*.
- b. Com se creïc era sèria *Era guèrra des galàxies*.
- c. Com se rodèc *Era guèrra des galàxies*.
- d. Qué ei era sciéncia ficcion.



C-3PO R2-D2

0-1



Lieg aquest tèxte damb atencion e despús respon es qüestions.

## OVNI: OBJÈCTE VOLADOR NON IDENTIFICAT

Un maitin d'abriu, es persones qu'èren en carrèr vederen eth cèu lèu caperat per un enorme objècte circular. De patac s'entenec:

—Es marcians! Es marcians!

Era gent comencèc a córrer e a cridar:

—Es marcians!

—Un plat volador!

—Ei un eclipsi!

—Mòria! A queigut era lua!

Er objècte semblaue un gran horat nere en cèu e auie ua corona blua tot ath torn.

Ua senhora cridèc a un vesin des deth balcon:

—Telefòna as pompièrs e avertís-les qu'an vengut es marcians!

—Perqué è de telefonar as pompièrs?

—Tu crida-les, veiràs com eri saberàn qué cau hèr.

Era telefonista des pompièrs non hec bric de cas dera trucada pensant qu'ère bèra farça entà arri-se'n d'era. Mès, durant es dues minutes següentes auec de respòner a lèu vint telefonades, totes deth madeish estil. E decidic dar era alarma.



Mentres, Paolo, en casa sua, gessec en balcon damb Z, eth sòn can, e quan vedec aquerò cridèc ara sua fraia.

—Rita! Vene de seguida!

—Qué i a? Ja ei ora d'anar tà estudi?

—Me semble qu'aué non poderam anar tà estudi.

Deuant d'aquera notícia, era mainada s'acabèc de desvelhar e correc de cap ath balcon. Es pompièrs, en tot hèr a sonar es sirenes, en aqueth moment entrèren ena plaça.

—Huec! —cridèc Rita quan les vedec.

—Huec? Fixa-te ben en açò! Semble ua estacion espaciau! —li responec Paolo.



## COMPREENENÇA LECTORA

### OVNI: OBJÈCTE VOLADOR NON IDENTIFICAT

Ena plaça tanben arribèren es camionetes dera policia, mès er espectacle mès interessant continuaue estant eth misteriós objècte gigant.

—Qué deu passar? —se demanaue Paolo.

—Atencion! Atencion! —s’enteneç ara policia parlant peth nautavotz. Se demane a toti es vesins que mantenguen era tranquillitat. Ara controlam era situacion. Arrés poderà entrar ne gésset deth barri enquia que se les digue. Tornen tà casa sua e demoren naues instruccions.

—Qué diden? —cridèc Rita.

Paolo ère a punt de resoner-li, quan ua ombra trauessèc rapidament eth cèu. Ei un audèth? Non, massa gran.

“Era causa” queiguec en un cornèr deth balcon. Queiguec, e non se trinquèc. Hec “plaf”, doçament. Ère deth madeish color qu’er objècte gigant deth cèu. Dilhèu ère un messatge?

—È pòur -diguec Rita—, baishem tara cava.

—Se baisham, non veiram arren —responec Paolo.

Paolo sentie qu’eth sòn déuer ère apropar-se ath projectil queigut en balcon e observar-lo des d’un punt de vista scientific.

Z, eth can, alonguèc ua pauta de cap a “era causa”, hèn a anar era coa damb excitacion. Treiguec era lengua un pam e auancèc rossegant-se dessus deth vrente. Despús, Z, lequèc “era causa” furiosament. Paolo se i apropèc entà veder-la mès ben.

—Qué ei? —demanèc Rita.

—Ara ac saberam. Dilhèu laguens i a un messatge.

—Non sentes ua oloreta coneishuda?

—Non, non la senti. Sò bèth shinhau costipat.

Rita tanben s’apropèc a “era causa”, la toquèc, la observèc damb atencion, se hiquèc eth dit ena boca, se lo lequèc e cridèc contenta:

—Chicolate! Tasta-lo, Paolo!



Paolo lo gustèc. Non i auie cap de dubte: “era causa” misteriosa qu’auie queigut der objècte volador ère un gran bocin de chicolate.



# COMPREENENÇA LECTORA

## OVNI: OBJÈCTE VOLADOR NON IDENTIFICAT

—Mmmmmmm....Que bon!

—Ua meravilha —diguec Paolo. Dilhèu mos an vist e mos an lançat eth chicolate entà hèr amistat.

*Aqueth dia er esdejoar de Rita e de Paolo siguec deliciós e misteriós. Era aparicion d'aqueth gran objècte subervolant era vila provoquèc era panica des sòns abitants. Mentre era policia e es pompièrs preparauen era sua destruccion, Rita, Paolo e eth sòn can poderen descorbir que non ère cap ua nau extraterrèstra, ne un plat volador. Er OVNI ère un extraordinari objècte damb gust a chicolate.*

Gianni Rodari, *Eth pastís queigut deth cèu* (tèxte tradusit e adaptat)

### 1 Eth cèu ei caperat aqueth maitin perque...

- a. i auie un ramat d'audèths.
- b. anaue a plòir.
- c. un objècte nere lo caperaue.
- d. i auie ua broma grisa enorma.

0-1

### 2 Escriu DUES des causes qu'era gent credie que podien caperar eth cèu.

.....

0-1

### 3 Ua hemna cridèc a un vesin des deth balcon: "Telefòna as pompièrs". Ordena es vinhetes dera istòria numerant-les der 1 ath 4:

<p>Es pompièrs anèren tara plaça.</p> 	<p>Era telefonista pensèc que li volien hèr ua farça.</p> 	<p>Un vesin telefonèc as pompièrs.</p> 	<p>Despús de recéber fòrça telefonades, era telefonista avisèc as pompièrs.</p> 
---	---	---	---





0-1



# COMPREENENÇA LECTORA

## OVNI: OBJÈCTE VOLADOR NON IDENTIFICAT

**4** Era telefonista pensèc que li hègen ua farça perque...

- a. ère de mau umor.
- b. era persona que telefonaue se n'arrie.
- c. non ère normau que i aguesse un OVNI en cèu.
- d. auien telefonat d'outes personas entà díder pegueries.

0-1

**5** Senhala ena gresilha s'es frases següentes son vertadères (V) o fausses (F).

	V	F
5.1 Era istòria passèc en octobre.	<input type="checkbox"/>	<input type="checkbox"/>
5.2 Er objècte auie ua corona blua tot ath torn.	<input type="checkbox"/>	<input type="checkbox"/>
5.3 Er objècte provoquèc ua inundacion.	<input type="checkbox"/>	<input type="checkbox"/>
5.4 A Paolo, er objècte li semblèc ua estacion espacial.	<input type="checkbox"/>	<input type="checkbox"/>

0-1

0-1

0-1

0-1

**6** Era policia ordenèc que toti es vesins tornèssen tà casa sua perque...

- a. ère de net.
- b. les volie protegir.
- c. i auie huec ena plaça.
- d. i auie lairons ena vila.

0-1

**7** A on queiguec "era causa"?

.....

0-1

**8** Com èren es ciutadans quan er OVNI arribèc ena vila?

- a. Divertits.
- b. Contents.
- c. Distrèti.
- d. Espantats.

0-1

**9** Finaument Rita e Paolo descobiren que "era causa" ère...

- a. un OVNI.
- b. un messatge.
- c. un tròç de pastís.
- d. un tròç d'estela.

0-1

**10** Qué explique eth darrer paragraf deth tèxte?

- a. Ce qué passarà londeman.
- b. Ei un resum d'aquerò qu'auem liejut.
- c. Qué heren entà qu'er OVNI se n'anèsse.
- d. Qu'es mainatges investigaràn mès sus "era causa".

0-1



## COMPREENENÇA LECTORA

### OVNI: OBJECTE VOLADOR NON IDENTIFICAT

---

**11** Quin aute títol ei adequat entara istòria?

- a. Era arribada des marcians.
- b. Eth chicolate extraterrèstre.
- c. Rita e Paolo van tà estudi.
- d. Z ajude as pompièrs.

0-1



Lieg aquest tèxte damb atencion e despús respon es qüestions.



## WALL-E

**An:** 2008

**Durada:** 98 minutes.

**Genre:** Animacion (entà toti es publics)

**País:** Estats Units

**Direccion:** Andrew Stanton, eth madeish director de *Cercant a Nemo*

**Musica:** Thomas Newman

Era istòria de WALL-E, un petit e simpatic robòt, ei ambientada en un futur fòrça fòrça luenhenc, er an 2800.

Eth planeta Tèrra ei enormament contaminat e s'a convertit en un gran tarcumèr de dèishes. Aquiu non i a cap d'èster uman, perque cap d'èster viu ei capable de suberviuer en aquestes condicions. Er unic que se botge per aquest desèrt de residus ei WALL-E, que se dedique ad aquerò entà qu'a estat construït: apilerar es dèishes que va trobant e recollectar causes inservibles.

Era vida de WALL-E càmbie quan es umans, qu'ara viuen en ua estacion espaciau enorma e aluenhada, envien tara Tèrrra a EVE, un robòt femenin, ben mès modèrn, damb era mission de cercar quaussevolh signe de vida. Toti dus viatjaràn per tota era galàxia e viueràn ua aventura ben emocionanta.

### QUAUQUI COMENTARIS SUS ERA PELLICULA

- “M'a encantat. Mos ensenhe qué pòt passar en nòste planeta se continuam produsint tanti residus.” (*Marina*)
- “Durant era prumèra mieja ora de pellicula non se ditz ne ua paraula. T'engüeges com ua cuca!” (*Paula*)
- “Ua pellicula molt bona! Explique qu'es umans arriben a non esforçar-se per arren. Arribe un punt, en futur, qu'eth minjar ei liquid, entà que non calgue ne mastolhar!” (*Víctor*)

### 1 Quin an s'estreèc era pellicula WALL-E?

.....

0-1







**2** Aquesta pellicula va adreçada a persones...

- a. de totes es edats.
- b. més granes de sèt ans.
- c. més granes de tretze ans.
- d. més granes de dètz-e-ueit ans.

0-1

**3** Qui ei WALL-E?

- a. Un director de cinèma.
- b. Un robòt petit e simpatic.
- c. Un èster uman que non viu ena Tèrra.
- d. Un robòt femenin, ben modèrn e divertit.

0-1

**4** Ena pellicula, com ei eth planeta Tèrra er an 2800?

- a. Inabitable, non se i pòt víuer.
- b. Molt verd e damb molta vida.
- c. Polit entà viuer-i.
- d. Non existirà.

0-1

**5** A on viuen es umans er an 2800?

.....

0-1

**6** Era vida de WALL-E se hè més emocionanta quan...

- a. apilère dèishes.
- b. viatge pera galàxia.
- c. coneish ath robòt EVE.
- d. recollècte causes inservibles.

0-1

**7** Es èsters umans envien a EVE tara Tèrra perque...

- a. era neishec ena Tèrra.
- b. non la vòlen veir més.
- c. era vida ena Tèrra ei més modèrna.
- d. vòlen que cerque a d'alti èsters umans.

0-1

**8** Lieg es comentaris de mainatges e mainades qu'an vist era pellicula.  
Les a agradat?

- a. Non, a cap des tres.
- b. A Víctor e a Marina òc, més a Paula non.
- c. A Paula e Marina non, més a Víctor òc.
- d. Òc, les a agradat a toti tres.

0-1